

礪山宋氏元尹公派世系譜序

譜貴昭穆昭穆不明則譜奚爲也惟是之故古之爲譜者
急於昭穆曰某之子某某之子某而綱領之綱領旣立則
如事行履歷生卒墓所可謂餘事也我元尹公派實礪山
氏之長也而散處域內者數萬其麗 穆陵以後三百有
餘年未嘗同譜之家亦多有之而其上系則一二世或三
四世載在舊譜子々若斷絕余嘗恨其渙散無統倡論派
譜已有年宗中多事尙未之果日三從姪海燮作世系譜

與族姪學燮仁成甫廣印以佈蓋近世所謂大譜者汗漫
難讀頗有長廊數柱之歎故特舉其綱領以爲之俾讀者
瞭然知各家昭穆如五岳四瀆之有本源明珠青錢之有
貫索昭穆旣明則派系正矣派系旣正則來歷的確閱千
百歲無疑吾知是譜之不可不尊閣也嗚呼世之視譜爲
何物者其終也不至尊先忘親難矣豈記所謂尊祖敬宗
之道哉是爲序歲戊寅春仲後孫宋柱義書于龍山精舍

礪山宋氏元尹公派世系譜跋

譜之有箋註所以明其生死前後諸般顛末是爲譜家之正法眼藏也雖然一向如此則族鉅者卷帙浩大不能家藏而戶弃且覽之者有難乎窮源此世系譜之不得不作也我宋之譜莫大乎舊丁巳而本派之散居各處者猶有所未叅家其或始同者後譜時更不修單以來無寧不附箋註只序昭穆儻不害尊閣以考證耶茲飲水六七年四册書寫白以成兩册上下對看某爲某之子某爲某之孫

瞭然如指諸掌宗中諸長老取其簡便惜其精力具曰此
可以印佈亦可爲派譜之階梯信然乎則或不至僭妄而
非有志諸從與劄劄氏謀忠幾不免徒費心力也雖然遠
外零星家又未盡統合繼此而有續修者能復完成歟是
可歎恨也歲戊寅天中節後孫宋海燮謹識

